

NAJUKKAMIK ATAATSIMIITITALIAQ: UUMMANNAQ



Avannaata
Kommunia

ILEQQUUSUMIK ATAATSIMIINNEQ 16. marts 2022 nal: 14:00

Peqataasut:

Sakio Fleischer, Siulittaasq
Elisabeth Nielsen,
Maria Nielsen (angalangami peqataangilaq)
Aviaaja Gr. Sigurdsen – Telefoonikkut peqataavoq
Ane Zeeb Pjettursson

Aqutsisoq: Sakio Fleischer
Peqataangitsut: Maria Nielsen
Immikkut aggersakkat:
Ingerlanneqarnera: Makkaap allaffiani.

Aqutsisoq: Sakio Fleischer, Siulittaasq
Imaqarniliortoq: Makkak Markussen

Ullormut oqaluuserisassat:

1. Helsingør-miik katersat meeqqanut atorneqartussat
 2. Uummannami Nukissiorfimmit imeq imertagaq
 3. Oqallitsitsineq pikkorissarnertalik ataatsimut ineriartorta
 4. Nunaqatigiit ukiut tamaasa susasaqartinneqartarnissaat.
 5. Illoqarfitsinni innuttaasut pisariaqartitaat.
 6. Pinnguarterfik
 7. Uummannami inuussuttut inissiassaat
 8. Uummannap avammut digitalikkut saqqumilaarnerunissaa pillugu immiussinissamik neqeroorut
- Atsiorfissaq 6

Aalajangiineq:

Siunnersuuteqartup imm. 2 tunuartippaa – sinneri oqaluuserisassat akuerineqarput.

1. Helsingør-miik kajumissutsimikkut v/ Lene Ljungqvist katersaat meeqqanut atorneqartussat:

2021-imi Kajumittut peqatigiit v/ Lene Ljungqvist Helsingør aningaasanik kr. 35.367,56 katersorsimavaat meeqqanut atorneqartussat. Najukkami Ataatsimiititaliap aalajangissuaa sumut atoneqassanersut.

Aalajangiineq:

Pinnguarterfinnut meeqqanut minnernut naleqqutunik aningaasat atorneqassapput, naleqqunnerussappatalu nunap sioraanik pinnguarterfiliassaq qallerneqaqqaarnissaa kissaatinginarmat misissorneqassooq nunap sioraasa tikisinneri qanoq akeqarnerisut, kingusinnerukkut oqaluuserineqaqqisooq.

2. Uummannami Nukissiorfimmit imeq imertagaq: (Elisabeth Nielsen)

Uummannami Nukissiorfiit imeq imertagarput oliemik akuneqarmat nunaqqatigiinnut periarfissaajuaannartunngortinniarlugu aalisakkanut karsit atornikuusat assigninik Najukkami Ataatsimiititaliaq pisissasoq; nunaqqatigiit periarfissaqartillugu nilannik aalleriaannangortinnissaat anguniarlugu. Soorunami ataqatigiissaaqqaarlugu qanorlu nilannik assartuisarnissaq eqqartorluaqqaarlugu inissinneqassooq. Ingerlaannaq aporfissalersornagu aqutissiuussinissaq ataatsimut periarfissarsiuussinnaassallugu kissaatiginarpoq.

Aalajangiineq:

Siunnersuuteqartup tunuartimmagu oqaluuserineqanngilaq.

3. Oqallitsitsineq pikkorissarnertalik ataatsimut ineriartorta: (Elisabeth Nielsen)

Isikkivik consultip ingerlattagaa una: Inuttut tunngaviusumik sakkussanik attaveqaqatigeeriaatsimut, imminut naleqartinnermut, imminut tatiginermut imminnullu qiviarsinnaaneq pillugu teorit aallaavingalugit pilersaarussiaq. Uummannami innuttaasunut pikkorissaatiginissaanut siunnersuuteqarpunga.

Maannakkumut Avannaata Kommuniani illoqarfinni Ilulissani, Upernavimmi Qaanaamilu iluatsilluartumik ingerlanneqareernikuuvoq. Maannakkullu aamma inuusuttuaqqanut tulluarsakkamik ingerlatsilernikuullutik. Ulluni sisamani pilersaarummik ingerlatsineq akeqaroq: 40.000 kr. tassani ilaatinneqanngillat angalaneq ineqarnerlu; pikkorissaasarput inuit marluk.

Billettinunut marlunnut unnuinerillu ilannguppata aningaasartuutit ca. 52.000 kr.

Aalajangiineq:

Kommuni tamarmi Peqqinneq- Sunngiffiup ataani pikkorissarnertalimmik oqallitsinissamut misissuisoqarpalummat oqaluuserineqanngilaq.

4. Nunaqqatigiit ukiut tamaasa susassaqtartinneqartarnissaat: (Elisabeth Nielsen)

Nunaqqatigiit susassaqtartinneqartarnissaat eqqarsaatigalugit; uku ukiut tamaasa ataatsimut nalliussineqartassasut siunnersuutigaara:

Nunaqqatigiit ukiortaarsiornerat uge 2 imaluunniit 3-mi ingerlanneqartassasoq nunaqqatigiinnut tamanut aliikkusersoqatigiinnermik imaqtartumik.

Uummannap naliunnera 20. juli malunnartillugu pikialaartitsineq

Seqineq naggammik nuisanerani qujanarigalugu aliikkusersoqatigiinneq.

Aalajangiineq:

Siunnersuut taparserneqarpoq ukioq mannaluk 2022 aallarnerfingalugu Uummannap illoqarfittut tunngavilerneqarnera ulloq 20. juli 2022 innuttaasunik havnefest-mik aqqissuussinissaq aalajangiunneqarpoq.

5. Illoqarfitsinni innuttaasut pisariaqartitaat: (Ane Zeeb Pjettursson)

Qangarsuarli nilliaatingisaat periarfissanngortariaqaraluarput. Inuup iluittuusup pisariaqartissinnaasai naleqartutut misinginissaa, susassaqtartuusungut tapersiinnikkut malunnartinnerusariaqaraluarparput:

- Nipilersortarfik sungiusartarfik
- Filmiliornermik soqutigisalinnut
- Qalipaasartut
- Sanaluttarfik
- Timersorneq
- Inaarluutillit
- Utoqqaat
- Ilaqtariittut ataatsimoorfusut ikannerit.

Illut periarfissaasorisat illoqarfitsinni. Tuullik, Tusaatikoq, Atuarfik, Klubbitllu atulernikoq.

Aalajangiineq:

Utoqqaat ornittangaqarnissaanut tunngatillugu susassaqtartunut allakkiortoqassooq.

6. Pinnguartarfik (Innuttaasooq Inuutersuaq-Ulloriaq Løvstrøm)

Illoqarfitta iluani siammasissunik pinnguartarfeqaraluarluta meeqqanut 2-3-4-nut naleqquttunik pinnguartarfinnik amingaateqarnerput peqqutingalugu pilersitsisoqartariaqarnerani ukiuni tulliuttuni siunnersuutigaara anguneqartariaqartoq.

Illoqarfitta iluani meeqqanut pinnguartarfiit ilaatingut nutarsarneqarlutillu allanik pilersitsisoqarsinnaanerani kissaateqarlunga siunnersuummik oqaluuserisassassinik nassiussivunga.

Meeqqat 2-3-4 ukiulinnut naleqquttumik pinnguarterfinnik pilersitsisoqarnissaanut tunngavilersuutingaara illoqarfitta iluani pinnguarterfiit assingiingitsut meeqqanut taamatut ukiulinnut naleqqutinginneri, meeqqat avatiminnik ilinniartulik aalatitsisinnaanerat eqqarsaatingalungu aammalu nammineerlutik silarsuaqqaminnik pinnguarsinnaaneri eqqarsaatingalugit amingaataangami.

Ulluinnarni meeqquarivinni pinnguarterfiit ajorisassaangikkaluit kisiannili ilaqutariittut aneernermi illoqarfitta iluani meeqqanut taama utoqqaassusilinnut naleqquttumik pinnguarterfinnik amingaateqarnarami. Neriullunga siunnersuutinga oqaluuserilluarlusiuk siunissami meeqqat ineriartornermikkut avatiminnik atuiliaarsnaanermikkut iluaqutingilluarsinnaangaat qularutinginngilara.

Aalajangiineq:

Imm. 1-mi aalajangingaq malillugu misissorneqassooq.

7. Uummannami inuusuttut inissiassa 4-8-t, sanaartortitsisoq Namminersorlutik Oqartussat:

Sanaartortitsisoq Namminersorlutik Oqartussat kissaataat malillugu lokaludvalg akuutinneqarluni sanaartorfissanik inissiiissamat pilersaarusiortoqarnissaanik kissaateqarpoq, tassungalu atatillugu isumasioqatiginissaat pillugu saaffiginnissuterput toqqammaveqarpoq.

Sanaartorfissatut inuusuttunut inissianut 4-8-t amerlassusillit eqqarsaatigineqarput.

Inuusuttut inissiassa 4-8-t sanaartorfiunikut eqqannguani inissisimanissaat (illut qorsummik qalipaatickaat A+B).

Aalajangiineq:

Sanaartortitsisut inissiffissaatut kissaatigineqartup "erstaningsbolig"-ikkut sanaartorfiunikut (illut qorsummik qalipaatickaat A+B) eqqannguani inassutigineqarsimasooq taperserlugu akuerineqarpoq.

8. Uummannap avammut digitalikkut saqqumilaarnerunissaa pillugu immiussinissamik neqeroorut: (Jens Thorin)

Matumuuna neqeroorpunga Uummannap avammut digitalikkut saqqumilaarnerunissaa pillugu tassami siunissaq eqqarsaatingalugu Uummannap avatangiisaatalu nunarsuarmioqatitsinnut saqqummiulluarnissaa pingaartutut isigingakku.

Filmiliorneq pillugu annertuumik ingerlataqaleriartornera ilutingalugu Youtube aqquotingalugu saqqummiussuerusupunga, ilaatigut makku suliarerusuppakka:

1. Uummannap illoqarfittaa avatangiisaatalu peqqissaarussamik kusanartumik filmiliarinera.
2. Suliffeqarfiit namminersortut Uummannami angerlarsimaffillit nutaaliatut reklameeralialugit, "Commercials". Soorlu ukuusinnaapput: Uummannaq Sushi", "Cafemma", HKK VVS", arlaallu piukkunnarsinnaasut, Timersortartullu Uummannamiit annertuumik sunniutillit: Pania Nielsen, Steffen Knulst-ilu takoqqusaaruteeraliorsinnaavakka..

Siunertaq ataasiinnaasoq taamatut sullisserusunninnut, tassalu Uummannap avammut nittarsaannissaa, tassami ineriartorneq ingerlavoq, ilaatigut ilulissat mittarfissuartaarpata pingittoorani Uummannap ineriartoqqilernissaanut ammaassisussaassooq, aammalu takornariaqarneq aallartikkiartulersinnaavoq, taamaattumik pilerinarnerusariaqarpugut.

Imatut akilertillunga kr. 30.000,- ukioq 2022-mi taamatut suliaqarsinnaavunga.

Aalajangiineq:

Uummanaq avammut nittarsaanneqarnissaanut immiussisoqarnissaa taperserlugu qinnuteqaat akuerineqarpoq.

Ataatsimiinneq naammassivoq 15:20 - tullianik ataatsimiinneq ingerlanneqassooq marlunngornermi 10. Maj 2022.